

Athör tueᅇ cī Pīter göt

Wet nom

Athör tueᅇ cī Pīter göt ecī gät koc cī gam, koc cī Nhialic kuany. Kockä aake cī thiēi wuöt kök yiic pan Athia. Wet get yen athöör ē rin bī yen koc bī ye kueen deet puöth bik gum, wet ye ke nök rin cī kek gam. Aaye Pīter lek Wet Puöth Yam ē rin Jethu Krītho, raan cī thuonde ku jön rot ku këden cī thon bö, ke cöl aᅇth.

Ku rin ē wet kēnē adhilkē gam bik kepuöth deet ku guumkē rin ē gamden yen athem. Ku ᅇickē lön bī ke riop aköl le Jethu raan cī loc ku döc dhuk.

Na cok alon ye Pīter ye lek ke bik kepuöth aa deet, te yök kek käreec, aye lek ke aya, bik pīr ke cīt koc Raan cī loc ku döc.

Käk tö thin

Muöth tueᅇ 1:1-2

Lök rin kuöony Nhialic 1:3-12

Käk dhilkē looi rin Pīr ē Yam 1:13-2:10

Kē ye koc cī gam kony riääk yic 2:11-4:19

Kuöony koc cī gam 5:1-11

Muöth ciēen 5:12-14

1 ¹ Yen Pīter atuny Jethu Krītho, yen aget tēnē koc cī Nhialic kuany, cī thiēi bæi kök yiic pinynhom cimēn Pontuth, Galatia, Kapadokia, Athia ku Bithinia. ² Wāda Nhialic acī we kuany rin yen këden wic theer. Ku Wēi Nhialic acī we looi bāk aa kacke, ku këya bāk Jethu Krītho theek, raan cī thou rin bī adumuöömkuon päl piny. Bī dhēeᅇ ku döördit rēer kek we.

ᅇöth akölriēc ebēn

³ Yok aa dhil Nhialic Wun Bānyda Jethu Krītho leec. Ku rin lier piānde tēnē ᅇo, acī ᅇo yiēk pīr ē yam, jön cī yen Jethu Krītho jot thou yic, ku kēnē ē ᅇo cöl aᅇth. ⁴ Aᅇicku lön bī ᅇok kāk ye Nhialic tāu kacke yök. Käckä aaye muk nhial paande apath ē rienkun. Aaye tööu te cīi kek bī dhiāth thin, te cīn kē bī ke rac ku cīn kē nyēi ke thin. ⁵ Aa tööu ke ē rienkun, rin le wek gam bī we tiit ē riel Nhialic. Ku këya wek aabi luök aköldä cīt te cī Nhialic guiēr ye.

⁶ Mietkē puöth rin kē cī Nhialic looi, cok alon bī wek puöth aa riääk emēn rin kajuēc bāk ke guum. ⁷ Ku kē ye wek gum, ee lön bāk nyuöoth lön ye gamdun yic. Agut milāᅇ töc, ye raan lēu bī rac, aye kaᅇ tāau mēec bī them. Kēya, gamdun tēnē Nhialic wār milāᅇ adhil them aya bī tiᅇ lön bī wek puöth riel. Ku Nhialic abi we cöl ayök lec ku duaar aköl le Jethu Krītho dhuk. ⁸ Na cok alon kēc wek ye kaᅇ tiᅇ, ka nhiarkē. Cok alon cīi wek ye ye tiᅇ emēn ka ya ke gam. Ku acin wēl puöth ye wek miet piāndun teet, ⁹ rin wek aa kuöony weikun yök, kēnē yen ye yök gam yic tēnē ye.

¹⁰ Koc kāk Nhialic tiᅇ cī we lek rin dhēeᅇ Nhialic, acīk wic apei bik kuöony wēi kēnē ᅇic. ¹¹ Ku Wēi Krītho rēer kegup acī ke nyuöth te bī Krītho guum thin, ku kipuöth bī röt looi, ee kēnē cok. Ku acik them bik ᅇic ye nen bī kēnē rot looi, ku yeᅇo bī ye nyuöoth. ¹² Acī Nhialic nyuöth koc kække tiᅇ lön kāk yekē ke lueel aacie kāk ē kuöonyden, aa kāk kony ē we. Kāk yakē ke piᅇ emēn aaci atuuc ē Wet Puöth Yam jam riel Wēi Nhialic cī tuöoc nhial pinynhom. Käckä aaci atuuc nhial ben aa wic aya bik ke deet yiic.

Pīr ē Yam

¹³ Kēya, cökkē röt piny rin ē luoi. Duökkē röt cöl amer dhöl kök. ᅇāthkē ke ye döc bī Nhialic gām we aköl le Jethu Krītho ben. ¹⁴ Thekkē Nhialic, ku duökkē pierdun cöl acök käckun yakē ke wic wepuöth, cimēn wäär kuc wek Wet Puöth Yam. ¹⁵ Meeckē röt wei kuat käreec yiic ebēn akölaköl, cimēn cīi Nhialic raan cī we cöl rot ē thiäk kuat käreec aya. ¹⁶ Acī göt athör theer wēl Nhialic yic elä, “Mēec rot wei käreec yic cimēn mec yen kek käreec.”

¹⁷ Te röök wek tēnē Nhialic, ayakē cöl, “Wāda.” Yen ē luk looi cok tēnē koc ebēn, kē cī raan looi yen ē te bī Nhialic luᅇnde luök thin nyooth. Kēya, reerkē ke we thek Nhialic pierdun yic pinynhom ē ten. ¹⁸ Rin wek aa ᅇic kē cī we wēer bei pīr wäär yic, pīr cīn kē kuany thin wäär cāk ᅇic tēnē wärkun dit. Ku wek aa we kēc

waar kën yäi, cimën ye milänj töc ku milänj thith yäi. ¹⁹ Ku wek aaci waar rin ci Kritho rot gam bi nöck, ku kënë ajuer thiek yic apeï, ee cit manh amääl cin kë diu yeguöp. ²⁰ Nhialic eci Jethu loc ke piny ku nhial këc cak, ku col ajal njic ë ninkä rienkun. ²¹ Ku ë Jethu yen aci wek Nhialic gam, Nhialic ë jot ye ran yic ku yik duardit apeï. Ku këya, wek aa la gam ku nöth tënë Nhialic.

²² Ku emën wek aaci la cök rin theek wek yic, ku bäk miethakun anhihaar ayic, nhiarkë röt kamkun apeï piäthkun yiic ebën. ²³ Wek aa dhil röt nhiaar, ku rin wetden reer thin akölrüec ebën, aci Nhialic we col aa ben dhiëth, dhiënh mith raan cie thou cimën koc ke dhiëth yo.

²⁴ Cimën ye athör theer wël Nhialic ye lueel ëlä,

“Raan ebën acit noon ë riel,

ku kuat këden path ebën, acit yöck ë tenj.

²⁵ Ku wet ci Beny lueel ë ya yic akölrüec ebën.”

Wet këne ë Wet Puoth Yam ye atuuc lek koc.

Alél pür ku koc yam Nhialic

2 ¹ Këya, pälkë luoi kärec ebën, pälkë lueth ku ruëeny, ku duökkë wepuöth ye yiëk këpeth koc kök. Ku duökkë koc kök ye lek gup wël rac ë path. ² Luoi kë röt bäk ciet mithkor ye ciek path ke muk. Yakë ciek path wic akölaköl, ciek ë weikun ku bi weikun dit ke we njic Nhialic. ³ Rin aci göt athör theer wël Nhialic yic ëlä, “Acäk yöck ë röt yen te peth Beny thin.”

⁴ Bäckë tënë Beny, Beny yen cit alél pür wäär ci koc jai, ku aci Nhialic kuany ke ye këpath apeï. ⁵ Ku week aya, cit aleel pür, wek aa buth bäk aa luañ wëi. Ku bäk aa koc la cök lëu ye bäk käk wëi ci Nhialic gam juer ye rin Jethu Kritho. ⁶ Rin alëu raan bi kueen athör theer wël Nhialic yic, ee yen ye lueel thin ëlä,

“Yen acä alél ril path apeï kuany bei aleel yiic,

ku tääu Jeruthalem ë yam ke cit mën,

ku raan bi nãthde tääu alél këne köu acii guöp bi yär.”

⁷ Alél këne apath apeï tënë wek koc ci gam, ku tënë koc këc ye gam.

“Alél ci koc ë buth kuc lon cii yen path

yen aci ben alél path apeï tënë aleel ebën.”

⁸ Rin aci göt abañ det yic athör theer wël Nhialic yic ëlä,

“Kënë yen alél bi koc kecök deeny,

ku ee yen kuur bi keek col awieek.”

Aa kecök deeny rin këc kek wet ci Nhialic lek koc gam. Ku këne yen eci Nhialic guir tënë ke.

⁹ Wek aa koc ci Nhialic kuany ku wek aa koc käk Nhialic aya, yen benyñaknhom, wun ci loc bi Nhialic luöi, koc ë Nhialic. Nhialic aci we cööl bei muöth yic ku bäkkë yerden dhëj apeï yic. Rin bäk käkken puoth ye ke looi lek koc. ¹⁰ Wek aa we cie koc Nhialic, ku emën wek aa kacke. Wek aa we kuc njeen ë Nhialic, ku emën wek aaci te ye Nhialic koc nuään thin njic.

¹¹ Mäthkie, wek aa yöck puöu ebën, wek koc pür ke we cit jööl pinyhom ë ten. Duökkë wepuöth ë yiëk kärec ye guäpkun ke wic, kärec thär kek weikun. ¹² Pieerkë ë pür path kam koc kuc Nhialic, ku na cökkë ya lueel lon ye wek luui kärec, ka bi kapuoth yakë ke looi tinj bik Nhialic leec aköl le yen ben.

¹³ Rin bi wek kë ci Beny looi buöth yic, thekkë bäny mec baai, benyñaknhom yen dit, ¹⁴ ku bäny kök ci ke luöi bik koc kärec looi aa tëm awuöc, ku leckë koc këpath looi. ¹⁵ Rin Nhialic awic we ku bäk koc we jääm gup rin kuc kek kãñ, col aabit te tinj kek we ke we loi këpath. ¹⁶ Wek aacie aloony ë koc kök. Ku duökkë këne col akum kärec yakë ke looi köth. Wek aa loony ë Nhialic luöi. ¹⁷ Thekkë raan ebën, ku nhiarkë miethakun ci gam. Thekkë Nhialic ku thekkë benyñaknhom.

Kë ye gum Jethu nyuöth yo

¹⁸ Koc luoi aa dhil wet ye bänyken lek ke piñ, ku thekkë ke apeï. Luoi kë këne tënë ke ebën, bäny njic we ciëñj ku bäny kuc we ciëñj aya. ¹⁹ Na gum areem ke cie awuöcdun ca looi, ke yi njic Nhialic yipuöu, ke yin abi Nhialic döc. ²⁰ Ye lec nö tö thin te beñ yi ku gum areem rin awuöc ca looi? Ku na gum areem rin këpuoth ca looi, ke yin abi Nhialic döc. ²¹ Ee gum këne yen ë cööl Nhialic yi, rin Kritho aci gum ë rienkun, ku nyuth we te bi wek guum thin cimënde, rin bi wek dhölde buöth yic. ²² Acin awuöc ci kañ looi ku akëc lueth kañ lueel ë thuönde. ²³ Wäär ye kek ye läät, akëc ben adhuk nhom ë wël rec. Ku wäär beñ ye akëc koc ben riääc lon bi yen këde guöör, aci rot ben tääu ë Nhialic cin yen luk looi ë cök. ²⁴ Kritho acä awuöc jot,

awuöc kärec cuk ke looi, wäär reem ye tim cī rīiu kök, rin bī yok luoi adumuööm puöl ku pīirku ë pir la cök. Ku tetöök juëc cī yiëk ye aaci we waar ë thou yic. ²⁵Wek aa we cit amel cī dhël baai, ku ëmën wek aaci dhuök ciëen, bāk raan dieer ë we cimën ye abiöök dieer amälke buoöth, raan weikun tiit.

Diäär ku Röörken

3 ¹Kälä aya, wek diäär wek aa dhil röt thön röörkun. Rin na le raan tö kamken ke këc wet Nhialic gam, ka bī luoidun path col agem, ke cīn wet lëk ke. ²Rin aabi pirdun path ku te theek wek ke thīn tiñ. ³Duökkë röt loi bāk dhëñ rin kajuëc ye ke tiñ wegup ayeer kepec. Cimën te ye wek wenhūim guieer thīn. Ku cieñkë milöñj töc ku aleth path juëc kök. ⁴Duökkë ye luui këya, ee kë reer yīpuöu alonñhin yen ë te dhëñ yīn thīn nyuöoöth, dhëñ la yic atheek ku lier ë puöu cie rot ë waar te cök yīn dhiop. Ku ee yen dhëñ ye Nhialic tiñ ke path apeī. ⁵Diäär theer wäär path Nhialic nom ciëñ ke ñickë apeī lon bī Nhialic kë cī thon dhiel looi, aake cī röt thön röörken ku ee këne yen ë ke col adhëñ. ⁶Thara acit ë diäärkä, ë ye kë cī Abaram lek ye bī looi, looi. Ku te jieem yen tënë ye, aye lueel bānydie. Wek aa cit Thara ëmën te looi wek käpath tënë koc kök, ke cīn kë riöc wek.

⁷Ku wek röör aya wek aa dhil cieñ apath kek diäärkun, ku ñieckë lon diäär aaci ril cimën röör. Yakë ke ñiec ciëñ ku thekkë ke rin keek aabi miöc path Nhialic yok aya cimëndun. Luoi kë këne rin bī röökkun la cök.

Koc cī gam aa gum rin luoi käpath

⁸ëmën awiëc ba wet lek we wit. Ñieckë cieñ kamkun, ku ye ñek dieer kërec bī ñek yok. Nhiarkë röt cimën ñek ke wämënhë. Lier puöu tënë koc ëbën. Ku dhielkë röt dhuök piny. ⁹Na lui koc kök yī kërac, ke duk col tënë ke kërec det. Na ye raan det yī wei kërac, ke duk wëi kërac aya. Na loi koc kärec tënë yī ke yī thiëc Nhialic bī ke döc. Yen ee kë cöl Nhialic yī rin bī yīn döcde yok.

¹⁰Cimën ye athör theer wël Nhialic ye lueel ëlä,

“Raan wic pir path ku wic bī puöu miet,
ke cie jam wël rec ku ciī lueth ye lueel.

¹¹Ku adhīl luoi kärec puöl ku looi käpath,
adhīl them piände ëbën bī ñiec cieñ apath kek koc kök.

¹²Rin Beny ee koc path tiit ku ee röökken piñ,
ku Nhialic ee yenyin pen koc kärec looi.”

¹³Yeña bī col agum te wic yīn ye yīpuöu ba këpath looi? ¹⁴Na col koc kök yī agum rin looi yīn käpath, ke këpath yen aloi rot tënë yī. Duk riöc ë ke ku duk ye dieer, ¹⁵ku calkë Krītho aye Beny pierdun yic. Reer ke yī cī rot guir akölaköl ba koc yī thiëc tet kë yakë ñööth tö wepuöth wek koc cī gam. ¹⁶Ku duk koc ë thany riel bik gam, kuëc tektek raan det nom. Loi këya ba ciī ye yok yīpuöu lon le yen awuöc ca looi, rin bī koc man tepuöth ciëñ wek thīn rin ye wek koc buoöth Krītho gup yār kāk yekë ke lueel. ¹⁷Añueen ba gum rin këpuöth ca looi te wic Nhialic ye ba gum, ten te bī yīn gum rin luoi kërac. ¹⁸Krītho aci thou arak tök rin adumuöömku. Yeen ë cīn awuöc cī looi, ku aci nök bī thou rienkua yok koc la gup adumuööm bī yo wat nhīim tënë Nhialic. ¹⁹Ku yeen, aci jam wet Nhialic tënë wëi mac. ²⁰Wëikā aa wëi koc wäär cī jai wäär tiit Nhialic ke bik kepuöth dhuök ciëen adumuöömken, wäär guir Noa riände. Koc lik ke cī la riäi yic, koc kabet, kek aaci Nhialic ben kony aboor yic. ²¹Ku këne acit miöc nom, miöc nom yen aye Nhialic yo kony ëmën, rin Jethu Krītho cī jot ë thou yic. Te jieem yok miöc nom, yok aaci jam rin acol ye laak wei koc gup, miöc nom wetde yic yok aa röt thön Nhialic ke puön yer. ²²Ku Jethu Krītho atö pan Nhialic ëmën ke reer cuëny ë Nhialic. Ku yeen amec kāk la riel ku atuuc nhial ëbën.

War pir yic

4 ¹Këya, Krītho ëci reem ku guum apeī. Ke week, wek aa dhil röt guir bāk gum cimënde. Na rem raan ku guum, ka cī yepuöu wel wei adumuööm yic. ²Ku ëmën le tueñ wek adhīl pir tecit te wic Nhialic ye thīn, ku acie te wic piäthkun ye thīn. ³Wek aaci rëer tebäär ke we loi kāk ye koc këc Nhialic gam looi. Wek aa rëer ke we yik wepuöth kāk bal ku dëñ ë määu, ku luoi kärec koc col ayār gup, ku duör jak cī kieet ciī ke wic. ⁴Ku rin ciī wek röt ye mät ke bāk aa luui kärec koc yöör gup aya, ee ke göi ku jiëmkë wegup apeī wël lueth. ⁵Ku keek aabi dhiel köc Nhialic nom yen luk looi tënë koc pir ku koc cī thou, bik tet ye lon puöth kāk cik ke looi. ⁶Raan cī loc ku döc aci Wet Puöth Yam lek koc cī thou, koc wäär cī Nhialic luk looi tënë ke

wäär piir kek, cimën ye yen luk looi tënë raan ebën. Wet Puoth Yam eci Jethu lek ke rin bi weiken pir e tok kek Nhialic.

⁷Te bi kak loi rot emen thok ebën aci thiok. Cökkë wepuoth ku reerkë ke we tir nhiim bak leu bak rook. ⁸Kedit apei kariëec ebën yiic e nhiër bi ñek-ñek anhiaar yepuou apei, rin na nhiaar koc kok, ke yin abi karec yekë ke looi tënë yi pal piny. ⁹Lor raan bo paandu puon cin yic tieel. ¹⁰Na ñiec mioc juëc Nhialic ci yiek yi muk, ke yin adhil miocka luöi apath bi yin ke koc kok kony. ¹¹Te piöoc raan e kamkun, ka dhil koc aa lek wet ci Nhialic lueel. Ku raan kony koc kok adhil looi keya riel ci Nhialic gam ye rin ee luoi kënë. Kwat ke ye raan looi ebën adhil looi bi aleec gam Nhialic e Jethu Kritho, raan la diik ku riel aköriëec ebën. Yenakan.

Wek aa gum rin ye wek koc ci gam

¹²Mäthkie, duökkë gei rin areem them e we guömkë, duökkë tak lon ke loi rot kënë acie ke ci rot kañ looi. ¹³Mietkë puoth, wek aa gum e dhel ton thon kek tewaar ci Kritho guum thin, rin yen abi ya miet piandun te le yen ben ke dieekde. ¹⁴Mietkë puoth te ye we lat rin ye wek Kritho buoath. Na loi kënë rot ke ñieckë lon reër Wei diik Nhialic kek we. ¹⁵Na le raan gum ke ci dhil gum rin awuoc ci looi ye yen nak e koc, nadë ke ye cuar, ku ye raan aliäap ku ye rot cieek kak koc kok yiic. ¹⁶Keya, na gum rin ye yin raan ci gam, ke yi duk guop rioc, lec Nhialic rin ye yin raan e Jethu. ¹⁷Luk abi Nhialic guo looi tënë koc emen, ku Nhialic abi luk kañ looi tueñ tënë kacke. Na jok Nhialic luk e yo, ke luk abi dhiel riel tënë koc kec Wet Puoth Yam bo tënë Nhialic theek. ¹⁸Cimën ci ye got athor theer wel Nhialic yic ela,

“Käril aabi rot kañ looi tënë koc la cok ku bi keek jal kony,
na ye keya, yeñö bi rot looi tënë koc adumuöm, koc kuc Nhialic?”

¹⁹Koc gum rin yen ke wic Nhialic tënë ke, aa dhil rot thon Aciengden ke ci lueel ka bi looi, dhiel tieen nhom. Ku dhilkë la tueñ ke loi kapath.

Wëet tënë kocdit ku riénythii

5 ¹Yen e raandit, ku yen alek kocdit akut to kamkun e piandie ebën. Yen aci te ci Kritho guum thin tin. Ku yen abi diik bi Nhialic nyuoth rom kek ye. ²Wek alek e puou ebën. Calkë rot aaye abiok koc e Nhialic ci yen ke we kuany bak ke kony. Wek aaci Nhialic wic bak luoi kënë looi ke cit luoi ci we mac thin. Duökkë luoi kony wek koc ci gam ye looi rin ariop e rot. Luöikë rin wic wek ye bak ke kony. ³Duk rot loi ba koc ci Nhialic täau yicok ba ke kony aa cieny ciet yin e beny mec ke. Loi rot bi koc ci gam yin aa kieet. ⁴Ku te le Abiondit ben ka bi we gam ariopdit diik ci ben kañ maar.

⁵Ku wek riénythii yakë looi ke ci kocdit lek we. Ku week ebën wek koc ci gam, wek aa dhil puoth aa lier ku yakë rot dhuok piny bak koc kok ya luöi, rin yen e ke ye athor theer wel Nhialic lueel ela, “Nhialic aman nhiam ku e dheen gam koc lir puoth.” ⁶Dhuökkë rot piny Nhialic ril apei cok bi we kony. Ku abi we jat nhial akol le yen ye tak. ⁷Duökkë wenhiim ye yiek kak wieckë ke apei, calkë alooi Nhialic, rin ee yen we tiit.

⁸Palkë rot piny ku tieerkë nhiim. Raan aterdun, jonrac e la ten, ku le ten, acit köor ci wath wic raan ciem. ⁹Reerkë ke we ril e gamdun yic. Duökkë wetde gam, rin anieckë miethakun ci wetde gam pinynhom ebën, aa gum aya cimendun. ¹⁰Ku te ci wek gum tethin-nyoot, ke Nhialic nhiaar yo apei, yen ci we col bak diikden aköriëec ebën rom, rin ye wek tok kek Kritho, abi kerieëc ebën cok tënë we. Ku abi we looi bak gamdun ci war ku col we aa ril puoth akolakol. ¹¹Bi Nhialic mec aköriëec ebën. Yenakan.

Muoth ciën

¹²Wek aa tuoc athor ci Thilath ya kony, wamaath path ci gam. Wek aa yöck bak riel gamdun yic, ku lueel lon ke ca got e dheen Nhialic ayic, dhil wek reër thin e puon la cok. ¹³Akut koc ci gam Babilon, akut kocuan ci Nhialic kuany aya ke yo, ee we muöth. Ku Marko, manhdien ci gam e we muöth aya. ¹⁴Miäthkë rot muoth koc ci gam. Yen e rook bak reër ke döör ebën, wek koc Kritho.